

AKHBAR : THE STAR
MUKA SURAT : 8
RUANGAN : NATION

The Star / M/S & NATION Khamis 5/6/25

Number of vape poisoning among youth up

GEORGE TOWN: A total of 76 poisoning cases linked to exposure to vapes suspected of containing prohibited substances were referred to the National Poison Centre (PRN) at Universiti Sains Malaysia (USM) through the Poison Information Service from 2020 to last year.

PRN senior pharmacist Mohd Fadhli Razali said the statistics show a sharp increase, with a significant spike starting in 2022, when 65% or 17 cases were recorded out of the total vape exposure cases referred that year.

"These cases have risen annually, with 79% (27 cases) in 2023 and 68% (26 cases) in 2024.

"The majority, 81%, of vapes involved claimed to be magic mushroom vapes.

"Most cases involved teenagers aged 15 to 19 years (41%) and early adults aged 20 years (53%), indicating a growing trend among the younger generation," he said in a statement yesterday, reported Bernama.

He said these findings highlight the urgent need for the government to take immediate action to prevent more young people from falling victim to addiction, particularly to new types of drugs like synthetic cannabinoids (lab-made substances that are chemically similar to chemicals found

in the cannabis plant) detected in vape liquids.

Mohd Fadhli said most affected individuals experience symptoms such as seizures, fainting and vomiting, as well as issues like hallucinations, delusions, and behavioural changes, including aggression.

More alarmingly, many cases show severe poisoning symptoms even after just one or two puffs, posing risks to themselves and those around them, Mohd Fadhli added.

He said PRN's analysis of several vape liquid samples, claimed to contain magic mushrooms, revealed they actually contained

synthetic drugs capable of causing severe, potentially fatal poisoning.

"This shows how easily vapes can be manipulated. Strict controls are necessary to prevent the abuse of dangerous drugs in society. Teenagers are the primary targets for these products due to easy access through online platforms, which are difficult to regulate," he said.

He stressed that the rising number of vape-related poisoning cases underscores the need for immediate enforcement of the Control of Smoking Products for Public Health Act 2024 (Act 852) and support at the state level.

AKHBAR : BERITA HARIAN
MUKA SURAT : 17
RUANGAN : NASIONAL

Vape ada bahan terlarang cetus ancaman baharu



Satu atau dua
sedutan boleh
akibatkan sawan,
beri kesan gejala
keracunan serius

Oleh Zubainy Zulkiffli
bhnews@bh.com.my

Georgetown: Satu atau dua sedutan sahaja daripada vape yang mengandungi bahan terlarang boleh mengakibatkan sawan atau tingkah laku agresif.

Pusat Racun Negara Universiti Sains Malaysia (USM) juga mendapati cecair vape yang mengandungi Magic Mushroom sebenarnya mempunyai dadah sintetik yang boleh menyebabkan keracunan te-

ruk sehingga membawa maut.

Pegawai Farmasi Perkhidmatan Maklumat Ubat dan Racun, Mohd Fadhli Razali, berkata kebanyakan pesakit yang dikaji pusat itu mengalami gejala seperti sawan, pengsan, muntah dan gejala psikiatri seperti halusinasi, delusi dan perubahan sikap termasuk bertindak agresif akibat vape.

Katanya, sebahagian besar kes menunjukkan gejala keracunan serius walaupun dengan satu atau dua sedutan sahaja, pesakit mengalami sawan dan tingkah laku tidak normal yang boleh membahayakan diri sendiri serta orang sekeliling.

"Analisis Pusat Racun Negara terhadap beberapa sampel cecair vape yang didakwa mengandungi Magic Mushroom mendapati kandungan sebenarnya ialah dadah sintetik yang boleh menyebabkan keracunan teruk sehingga membawa maut.

"Ini membuktikan vape sangat mudah dimanipulasi dan tanpa kawalan ketat, ini membuka ruang kepada penyalahgunaan dadah berbahaya dalam masyarakat.

"Remaja menjadi sasaran utama penjualan produk berkenaan kerana akses mudah melalui platform dalam talian yang sukar dikawal," katanya dalam kenyataan semalam.

Mohd Fadhli berkata, Pusat Racun Negara merekodkan peningkatan mendadak panggilan kes keracunan akibat pendedahan kepada vape yang disyaki mengandungi bahan terlarang sejak 2022.

Kes melonjak ketara

Katanya, data pusat itu menunjukkan sebanyak 76 panggilan berkaitan kes pendedahan vape disyaki mengandungi bahan terlarang dirujuk antara tahun 2020 hingga 2024.

Katanya, lonjakan ketara bermula tahun 2022 iaitu sebanyak 65 peratus (17 kes) daripada jumlah kes pendedahan vape pada tahun itu, meningkat saban tahun dengan 79 peratus (27 kes) pada tahun 2023 dan 68 peratus (26 kes) pada 2024.

"Sebanyak 81 peratus kes membabitkan vape yang didakwa sebagai Magic Mushroom dengan kebanyakannya membabitkan remaja berusia 15 hingga 19 tahun (41 peratus) dan awal dewasa 20 tahun (53 peratus), membuktikan trend ini semakin membarah dalam kalangan generasi muda," katanya.

Mohd Fadhli berkata, peningkatan kes keracunan vape membuktikan keperluan bagi penguatkuasaan segera pengimportan, pengilangan dan pengedaran cecair rokok elektronik di pasaran tempatan mengikut Akta Kawalan Produk Merokok Demi Kesihatan

Awam 2024.

Katanya, negeri yang sudah mengharamkan penjualan dan penggunaan vape wajar disokong sepenuhnya demi melindungi generasi muda daripada ancaman dadah baharu.

"Penyalahgunaan bahan terlarang menerusi menghisap vape bukan lagi isu terpencil, sebaliknya menjadi krisis kesihatan awam yang memerlukan tindakan segera dan bersepadu," katanya.

Kerajaan Perlis mengharamkan sebarang bentuk penjualan vape atau rokok elektronik berkuat kuasa 1 Ogos ini, manakala pengusaha kedai vape di Kedah diberi tempoh hingga Disember untuk menghentikan operasi, susulan larangan sepenuhnya penjualan rokok elektronik itu di negeri itu.

Kerajaan Perak, Melaka dan Selangor pula masih di peringkat kajian sama ada perlu mengharamkan vape.

AKHBAR : BERITA HARIAN
MUKA SURAT : 17
RUANGAN : NASIONAL

Orang ramai dinasihat cakna elak COVID-19 menular semula

Kuala Lumpur: Peningkatan kes COVID-19 secara mendadak di negara jiran seperti Thailand dan Singapura berpotensi menyebabkan pertambahan kes dalam negara ini.

Pakar Perunding Kesihatan Awam, Prof Datuk Dr Lokman Hakim Sulaiman, berkata pemantauan global menunjukkan trend peningkatan kes COVID-19 sejak Februari lalu yang mana kes dilaporkan meningkat sebanyak 11 peratus khususnya di Asia Tenggara, Mediterranean Timur dan Rantau Pasifik.

Katanya, perubahan atau kitaran varian baharu yang kurang dikenal pasti oleh sistem imunisasi badan antara punca peningkatan kes itu.

"Seperti Influenza, COVID-19 sudah berada dalam kalangan masyarakat dan ia juga bervariasi selain varian virus juga akan berubah dari semasa ke semasa.

"Justeru, besar kemungkinan perkara sama (peningkatan kes) boleh berlaku di Malaysia kerana tiada halangan pergerakan merentasi sempadan. Oleh itu, varian baharu boleh juga sampai di negara ini.

"Ia memandangkan ratusan ribu pergerakan (kendaraan dan kemasukan pelancong serta warga asing) di sempadan Thailand dan Singapura ke dalam negara kita," katanya.

Dalam pada itu, Lokman Hakim menasihati orang ramai untuk meneruskan amalan baik termasuk menggunakan pelitup muka, amalan adab batuk yang betul dan mengelakkan tempat sesak khususnya bagi individu berisiko kerana ia dapat membantu mengurangkan penularan penyakit.

"Walaupun kita dengar berlaku peningkatan kes, ia tidak menyebabkan jangkitan yang serius seperti di Singapura yang mana tiada laporan berhubung peningkatan dalam kes yang memerlukan rawatan rapi.

"Setakat ini tiada apa yang perlu dibuat untuk kekang kemasukan varian baharu, hanya masyarakat perlu cakna dan teruskan amalan baik," katanya.



Lokman Hakim

Terdahulu Jabatan Kawalan Penyakit Thailand (DDC) melaporkan data terkini kes COVID-19, menunjukkan jumlah kes baharu dalam tempoh dua hari (1-2 Jun) meningkat kepada 28,294 kes.

Data berkenaan dilaporkan direkodkan bagi minggu 25 tahun 2025 melalui sistem pemantauan digital (DDS).

Memetik laporan *The Nation*, daripada jumlah itu, satu kematian dilaporkan, manakala 9,304 kes adalah pesakit luar dan 888 adalah kes kritikal yang memerlukan rawatan di hospital.

Selain itu, satu kematian dilaporkan.

Sehingga 27 Mei 2025, jumlah kumulatif kes COVID-19 bagi 2025 ialah 323,301, dengan 69 kematian keseluruhan tahun ini.

Ketua Pengarah Perkhidmatan Perubatan, Dr Taweesin Visanuyothin, dilaporkan berkata peningkatan jumlah kes berkeungkinan disebabkan faktor musim hujan yang melanda lebih awal dan pembukaan sekolah.

Vaksin Tdap wajar diberi secara percuma kepada semua ibu hamil

Kuala Lumpur: Pemberian pelalian kombinasi tetanus-difteria-pertussis (Tdap) wajar diperluas dan diberikan secara percuma kepada semua ibu hamil sama ada warganegara atau bukan warganegara Malaysia.

Pakar Perubatan (Kesihatan Awam), Prof Madya Dr Mohd Dzulkhairi Mohd Rani, berkata pemberian vaksin Tdap kepada semua ibu hamil tanpa mengira status kewarganegaraan penting bagi memastikan perlindungan menyeluruh daripada penyakit batuk kokol dan tetanus yang boleh membahayakan ibu dan bayi.

Selain itu, katanya, pemberian vaksin secara percuma ialah langkah tepat untuk meningkatkan akses kepada imunisasi tanpa halangan kewangan.

"Ini memastikan semua ibu hamil mendapat perlindungan sewajarnya. Dengan memastikan setiap ibu hamil menerima vaksin ini, imuniti kelompok dapat dicapai pada peringkat masyarakat.

"Ibu bukan sahaja melin-

dungi diri mereka sendiri, tetapi juga membantu melindungi bayi yang masih kecil dan masyarakat sekitar daripada risiko penularan penyakit yang boleh dicegah.

"Jika ini dapat dicapai, ia mampu meningkatkan tahap kesihatan awam secara keseluruhan," katanya.

Sebelum ini, *BH* melaporkan semua ibu hamil warganegara Malaysia akan menerima vaksin Tdap secara percuma, mulai 26 Mei lalu.

Menteri Kesihatan, Datuk Seri Dr Dzulkefly Ahmad, dilaporkan berkata vaksin itu boleh didapati di semua kemudahan kesihatan primer Kementerian Kesihatan (KKM) yang menyediakan perkhidmatan kesihatan ibu di seluruh negara.

Justeru, semua wanita hamil diharapkan dapat memanfaatkan program ini sepenuhnya dan sentiasa mendapatkan maklumat tepat daripada klinik kesihatan dan profesional kesihatan untuk memastikan keselamatan diri dan bayi mereka.